山庫全幸

史部

欽定四庫全書

史部

嘉靖以來首輔傳卷以

詳校官侍讀臣陳萬青

刑部即中日許水極覆勘 校對官助教臣胡予裹 總校官原任中九臣王燕 緒 騰録監生臣 張曽計

欠いうころう 腰飾然當且王不足久溷也自是又六年而登進士高 年舉於鄉謁謝璘解所繫犀帶以贈而曰爲若異時圍 張居正字時大湖廣之江陵人也少類敏絕人馬諸生 渺小而是時尚書顧璘撫楚行郡而試其丈奇之已得 召見復大奇之曰此兒國器也遺以金錢為膏油費明 嘉靖以來首輔傳 王世貞

皆器重其人相推許遂得授編修尋以妻喪請急歸亡 城府莫能測也時嚴嵩為首輔而忌徐階爲階者皆避 東之時時稱老易以爲能得其用諸老先生如徐階輩 士多談詩爲古文以西京開元相砥礪而居正獨夷然 匿而居正行意自如當考會試而其門生自喜客於嵩 不屑也與人多墨墨潛求國家典故與政務之要切者 何還職居正為人順而秀眉目美鬚鬚幾至腹沉深有 得高意居正衆斥之日李樹不代桃僵即亟去母辱

次定の事とう 志事委居正而其所具豪草輒爲輔臣袁煒所削及煒 講進翰林院侍讀學士領院事時階代嚴嵩首輔盡以 諭德東侍讀預修永樂大典復預脩與都志始解裕邸 生嚴無所寬假而獨與祭酒高拱善相期以相業尋還 居正久之遷右春坊右中允領國子司業事居正待諸 吾門衆稍莊憚之而有天幸母為嵩耳目者嵩顧亦稱 理坊事遂以選侍裕邸講讀王頗賢之郎中中貴亦無 不賢居正者而李芳數從問書義頗及天下事尋進右 嘉時以來首輔傳

與裕邸故講臣陳以勤俱入閣而居正為吏部左侍郎 事具陷傳居正尋遷禮部右侍即兼翰林院學士月餘 目屬居正謂必大用矣世宗朔階草遗詔頗引以共謀 卒門乃復從居正草進於上上意不懌亡還賞然中 之速雖張桂不能過也時年僅四十三當居正之進閣 **筵事至秋進禮部尚書兼武英殿大學士亡何加少保** 兼太子太保去學士之五品僅歲餘而至一品其登進 兼東閣大學士尋充世宗實録總裁經筵開寫同知經 卷 次定日華へこう 郭朴陳以勤皆忠厚長者獨高拱根躁而不得志於言 事則曰唉非爾少年輩所解居正内恨不復答而與中 意押視之以為不足與有為而大學士趙貞古入其位 是愈畏憚之重於他相矣徐階既去位而春芳代居正 堂倨見九卿他亦無所延納而間出一語輒中的人以 路稍継尋引去居正最後拜獨謂輔相體當尊重於朝 問臣几七人 徐 階最為老宿與李春芳皆好折節禮士 居居正下然自負長輩而材間呼居正張子有所語朝 嘉靖以來首輔傳

正上 貴人李芳輩謀召用高拱件領吏部計以扼貞吉而奪 要在權利害之多寡酌長短之輕重斷而行之信而任 事鲜統紀大抵事無全利亦無全害有所長亦有所短 或毀譽矛盾是非淆乎唇吻用含决于愛憎政多紛更 春芳政拱至益與居正善當是時天力頗好遊而重武居 一事而甲可乙否或一人而朝由暮跖或前後背馳 一疏言六事其一日簡議論謂朝廷之問議論太多 日振紀網謂近年以來紀網不肅法度不行上

按行無按議處者嚴令期限不得延緩停閉四日數名 息造化之機滞欲部院覆奏者數日即報不得該之無 賈誼所謂跟盤者欲上攬乾網張紀律法所當加雖貴 遷就馬善處刑法之加惟在微賤庶人之議反重朝廷 務馬姑息百事悉從委徇以模稜两可馬調停以委曲 火足四車 書 實謂今用人者稱人之才不必試之以事任之以事不 號令譬之風霆若風不能動而霆不能擊則乾坤之用 近不宥事有所枉雖疎賤必伸三曰重詔令謂天子之 嘉靖以東首輔傳

忽或以名高見崇或因一善而借資終身或因一班而 者件時而難合胎章逢迎者巧官而易容或以果微見 必更考其成至於債事之時人未必明正其罪椎魯少 文者無用而見識大言無當者虛聲而竊譽倜儻抗直 足邊費重大內帑空之分道檢括庫藏盡掃以致水旱 取病衆口官不久任事不責成更調太繁遷轉太縣資 太拘毀譽太易欲以嚴考課審名實責之吏部官各 任母遽選轉五日固邦本謂近以蠲賦至半國用不

災傷坐視而不能振用兵餉百出而不能支欲上停免 皇六師躬賜校肄旌别拉勇汰易老弱疏上褒諭下部 头定四車全書 亦覺之乃復上疏請停止上不允居正以善筆礼諸公 院議行於是各推演疏指事別爲演多至十餘條以娟 閱費不警時方部而給事中點問禮頗言其非急居正 居正而所謂大閱者上意果為動令所司擇日行矣大 切不急工程無徵辨精擇守令講求出納其分道之 切取回六日的武備則欲上脩祖宗大閱故事張 嘉靖以來首輔傳 Ā

言者須謫譴而後可芳請于上改停三月俸而春芳後 遽曰不過示責而貸之耳春芳具如居正語而俄頃居 高拱而其機皆出居正故所獨厚者司禮中貴李芳 同列李春芳陳以勤趙貞吉殷士儋之見逐雖發之自 户部合三十萬請皇太子出閣講書其草皆自居正而 有密勿疏草多委之如救給事石星御史詹仰庇停取 正以片紙使小吏投芳曰此人狂妄即上貸之恐有繼 日言官有忤肯而當懲者春芳顧而言曰當何處居正

欠とうこんら 謂陷久倦官以是亟報許既許而心愧之階既去然約 部尚書建極殿大學士東支大學士俸遼東戰功加太 得之心恨居正而不敢發尋李芳以強諫失上意杖錮 已也其去由張齊之為拱而修收然居正實言之李芳 子太師和市成加少師餘如故嚮者階居正故受業知 之獄而居正小屈後諸公去且盡獨居正與高拱在两 以滿三載加柱國進太子太傅再以六年滿加少傅吏 相得益容會北人請入貢通互市亦惟居正替之初 嘉靖以來首輔傳

忽正色日有徐氏三萬金何憂衣食也居正色愛指五 益急階求救於居正居正從容為拱言階一旦巨測公 論階不已而使其所警誣節其諸子罪下撫按置獄事 東其三子事居正謹而拱街階甚必欲殺之嗾言路追 信也拱無子而居正多子一日戲謂居正曰造物者 緩而拱之客乃構于拱謂居正納階子三萬金賄不足 負簿舊僚名拱稍心動而居正頗復爲撫按居間業稍 均而公獨多子也居正曰多子多貴甚為衣食憂拱 胡

ダロ

アノニー

益甚拱又前後為其所善中貴人陳洪孟沖柄司禮而 宋之韓遂具疏且論居正草成而居正知之走見拱而 拱之客謂問可乘也日稍稍以居正遇聞拱而都給事 ていしりことに 乘氣言曰公不念香火盟而忍逐我耶扶錯愕出不意 而誓辭甚苦拱徐曰外人言之我何知以故兩自疑而 曰巫呼而止之居正曰公發之安能止之拱曰請出之 曰誰敢論公者居正曰公之門人来之韓已具草矣公 以明我心晨入部以某省然改補之韓而其疑居正 嘉青以來首輔傳

拱臂仰天氣逆結久始云祖宗法壞且盡奈何亦復 然與局與至內閣居正與拱驚出俯伏上掖之起而拔 抑馮保時尚實卿劉奮庸疏摘時政數事語侵拱而給 事中曹大埜則極論拱諸大罪居正爲擬古謫大埜于 起還官即不豫者月餘矣羣臣詣闕問安而上方卧蹶 保莫能明也上一日南視朝忽馳而下且路于陛間第 外奮庸亦坐謫或云居正實使之或云獨大埜受之馮 云國有長君社稷之福語且不了居正與拱趙而掖之

第悉甚至閣而結居正曰昨密封之謂何天下事不以 次アラニハデー 不復置臆而上前拱與居正惟然具遺記草拱復自具 屬我曹而屬之內豎何也居正面發赤不能答乾笑而 即有報拱者急使吏跡之則已入矣拱亦不知爲何語 了了而持拱袂步且至乾清宫門始復謂第還閣別有 已徐而曰日與飲食通公安能一切服我拱淺謂實然 有巨測爲處分十餘條扎而封之使小吏持以投馮保 明日寂然而居正察知上色若黃葉而骨立神朽慮 嘉靖以來首輔傳

日當 楊博吏部頃之上御平臺召居正而諭曰父皇首在御 笑曰去此閹若腐鼠耳即功胡百世也而陰使人馳報 善也上方諒陰拱有請必報可以爲能得上心而嗾所 善言官四五人列疏論保謂必下拱即擬音逐之而使 草以聞凡數事皆欲放司禮權歸內閣馬保聞之意不 保得預為備而逐拱語見拱傳居正既代拱首即請還 其心腹韓楫報居正行且建不世功與公共之居正陽 くこに アレー・ニー 再聆德音謂先生忠而高拱邪先生幸自愛悉 卷七 謂近歲以來士習澆滴官箴刑缺鑚窺實隙巧謀躐取 任中外想望丰米既已大計廷臣於拱私黨多所屏斥 善亡何復赐居正白玉帶自是賜齊繁渥無虚日矣時 謂今國家要務惟在遵守祖宗舊制不必紛紛更改至 心見輔因賜居正金幣及統蟒斗牛服居正頓首泣謝 於講學親賢愛民節用又君道所先乞聖明留意上曰 而他不職者亦稱是復具詔草請于上召羣臣廷飭之 一幼沖虚已委居正居正既得國亦慨然以天下爲己

欠足コ氧人です

嘉靖以來首輔傳

俞訓 為有才愛惡橫生思響交錯遂使朝廷威福之柄徒為 鼓煽朋黨公事排擠武老成康退爲無用誇讒佞便捷 原與之更始書不云乎無偏無黨王道蕩蕩無黨無偏 人臣酬報之資是用去其太甚薄其懲戒餘皆曲賜於 **垢共襄王道自今以後其尚精白乃心恪恭乃職母懷** 王道平平朕方嘉與臣民會歸皇極諸臣亦宜痛湔宿 以罔上母持禄以養交母依阿淟認以隨時母噂沓 以亂政任輔弼者母昵淫朋以塞公正之路典銓 1111

然而是時上當尊崇两官故事天子非嫡生而尊皇后 爲必可干則祖宗憲典甚嚴朕不敢赦詔下百揆頗惕 節若或沉溺故常堅守途轍以朝廷爲必可背以法紀 望有正色立朝之風小臣當砥礪廉隅有退食自公之 濟艱難有言責者宜竭謹直以資聽納大臣當崇養德 衛者母作好惡以開那枉之門有官守者宜分猷念以 稱皇太后若生母亦稱皇太后則加徽號於皇后以別

欠臣日奉人了

之馮保欲媚上生母李貴妃乃風居正以並 尊居正不

連請以來首輔傳

大學士子一子尚實司还上疏解不許而賜白金百两 慈聖皇太后而兩宮不復別矣慈聖徙居乾清撫視 褒諭以風示百僚居正之為政大約以尊主權課吏實 經選事修世廟實錄馬總裁尋加左柱國進兼中極殿 柄悉以委之而居正亦自淬勵亡所受徇經選開馬知 敢違於是下議尊皇后曰仁聖皇太后尊皇貴妃 グントしし 文幣四有副繡蟒衣一襲復力辭前命乃許之下重書 主持國柄而倚馮保為重又與保俱得居正中 1.17 卷七

者也世宗能識其意是以高卧法宫之中朝委裘而天 法祖然國公朝獨數犯法當速而朝議皆難之以為朝 無所不披靡乃愉快于志居恒謂高皇帝真得聖之威 之南京人以爲快漕河通居正於歲賦往往迁緩逾春 子而馳單使縛之卒不敢動既至請於上貸其死而銅 弼綱紀之卒且萬人不易速恐失諸夷心居正擢用其 明賞罰一號令萬里之外朝下而夕奉行如疾雷迅風 下不亂以太阿不下授也令上世宗孫也柰何不使之

次足りまたこう

嘉靖以來首輔傳

或有所按聚或两計當質成者其人各以私軋 冬月兒運及歲初而畢發少雅水患其始農頗不便之 減太僕種而多令民以其價納民既樂於不擾價以時 久而習以爲常太倉栗至支十年歲與邊互市饒馬則 而後發即水潢溢非决則涸乃採漕臣議督艘卒以孟 一大僕金亦積至四百餘萬又爲考成法以責吏治前 (六部都察院有覆奏而行撫按勘者度事之不易行 '至數十年而不决遂廢寢居正下所司以大

É

欽定四軍全書 京工部尚書張瀚推衡自謂官官保當前叙而义素善 學士賜白金絲沒實鈔羊酒加等居正有子曰怒修與 爲限行之誤者抵罪自是一切不敢節非政體稍肅而 病兒當代廷議以左都御史葛守禮工部尚書朱衡南 其孽弟居讓俱試于湖廣得中式怒修僅能成文盖主 斷斷脩怨其主者人漸識其意而是時吏部尚書楊博 漸有不便于居正者矣尋以六載满加特進中極殿大 司有庇之者人以爲居正不與也而至會試不第居正 嘉靖以來首輔傳

青皆更定曰如此 也衆固已輕之自是忽見故舉朝大駭益相率越事居 題不能剛散如意故特拔用激潮里最凡海其預 恩至保傳調陽雖不敢有所持諍然內不甚附之居正 正矣始內閣臣高儀不久卒居正以日調陽弱薦代之 事居正頗以驕於公卿問居正聞而厭之然亦惡守禮 陽與居正行同而年差長然秩尚早居正引之數 取獨斷亦不復諮訪嘗病假 何以示遠近部院大臣緣居正指益 一日而遽入取調陽 推 力口

次定四車全等 图 馮保言于上名其堂曰純忠左曰社稷之臣右曰股肱 夫長雕其者假干服顕陵之便而為督治舍宇南建而 賜馬居正故蜜無居第乃大買地于江陵城使緹騎百 易調陽甚或故抑紅其鄉人及親厚者以見公調陽惟 母皆老壽無悉上嘗出蟒繡金髻裝重綵以手書慰諭 三居正以爲瑞進之上不自有歸德于居正而居正父 仰屋嘆說而已上以師臣待居正凡所下御礼皆不名 稱先生或稱元輔有二白燕育于翰林院白蓮雙蒂者 嘉請以來首輔傳 1

語激居正取其尤激者趙參會謫之外而謂其欺幼主 美之皆御筆大書而出內帑百千金爲資費於是全楚 笞數十旦請古繁治矣而他給事中爭上疏請究閱其 亦如之凡三載而就費直將二十萬自居正部者不能 之臺使者監司都守皆有賄也環楚而爲臺使者監司 之佐名其樓曰捧日又爲儷語以正氣萬世休光百年 不道意以悅馮保也保故以德居正居正稍說其裁於 矣留都之小屬醉辱一給事中其長已執而榜

大定四車全事 所侵於居正也居正以經遊進講訴於上 史給事雖畏居正然中多不平而抗勁喜事者出南京 ľ 奪其職馬庶人而御史傅應積繼言之尤切然不敢有 户科給事中余懋學疏請行宽大之政居正以爲風巳 陰詞其短惴惴事畢幸不見韻罰以是怨居正而不歸 中貴人 保居正念御史在外驕傲往往凌撫臣出其上痛欲 ,事小不合詰责隨下勅令其長加考察以故 (母與六曹事母輕街命出使即使而緩騎尾而 嘉靖以來首輔傳 一謂此曹子欲 中四 御

御史不當報而臺誤報居正以故事裁斥臺臺益惡居 臺居頗近數刺得其陰事而惡之俄出按遼東遼東捷 史劉臺居正所取士也由刑部即改居正擬以爲德而 濱海給事中徐貞明等坐就獄視具素館亦逮謫外 吾爲逮臺竟其獄以慰先生臺至下詔獄上命内閣杖 俯伏而泣不肯起上為下御坐以手掖之而曰先生起 市國恩收召朋黨以便奸縱私至下錦衣逮杖而戍之 且分不得免遂極論其騎横十餘事居正怒甚見上 r 御

事不欲夷之僚佐也於是四維恂恂若屬吏矣 哉居正戲額曰不過宋宰相事耳古人殆不然盖以輕 張四維進禮部尚書文淵閣大學士入內閣故事入內 處為未慊也亡 何吏部左侍即翰林院學士掌詹事 為解得不杖而奪職還里客有賀居正者公真宰相度 ここうご 張四維字子維山西平陽之蒲州人少於居正一歲舉進 閉者曰同某人等辨事至是直曰隨著元輔居正等辨 之百而遠戍之時物議頗觜剝居正不自安乃陽具疏 , . 嘉肯以來首輔專 十五

頗有緒拱益器之而是時殷士儋長禮部加太子太保 習之最爲輔臣高拱所器重遂超爲翰林院學士復超 尚書王崇古其舅也二人皆久任邊事以故四維亦頗 章而實少所通會頗有幹用才于尚書博為鄉後進而 **逆日講進右諭德兼侍讀四維北人粗讀書自負能文** 士改翰林院庶吉士授編修以久次為右春坊右中允經 大語達求入貢互市崇古已請于拱而四維交關其間 馬吏部右侍即兼學士如故轉左侍郎崇古時總督宣

金万匹匠人工

鹽長蘆累資數十百萬而崇古鹽在河東相與擅 郷曲舊復指謫士儋士儋以是益怨拱與四維而卒 四維 儋而入閣士儋不獲已則以中貴人陳洪援取中首得 儋使之以是两相構而給事中陳楫拱客而於四維 利按河東者御史部永春怒二家之橫上疏論効崇古 矣又上裕即時與拱先後講臣也而拱欲拔四維前士 拜以是心怨拱而忌四維四維猶干進不已其父監 詔勿論而士儋謂四維有隙可傾也四維復疑士 方 有

沙足り車人こう

嘉靖以來首輔傳

....

十六

維頗精悍其督視修實錄諭于昔雖其出不盡由居正 武清伯偉故籍山西得四維重路為之白太后召掌詹 告四維既饒于財歲時候居正不絕而慈聖太后之父 總裁召同尚書高儀掌詹事府將出而拱敗復引疾不 維意不懌引疾請告歸未幾而拱復念之以修實錄副 事府時日調陽樸而老病數求去不能當居正意而四 勝竟罷去有爲士儋不平者復緣永春疏指劾四維四 非其所惡也既入內閣事推居正雅亦相押尋實錄成

調陽加少傅太子太傅而四維亦加太子太保矣居正加 欠いりことう 諭百餘言領示史館諸拜思者皆不樂而是時少詹事 臣首劾微勞賴萌非分之想小有不酬則深獨賢之怨 臣實恥之故不敢苟就異以少勵此輩上始允其辭温 王錫爵遷詹事亦上疏辭不許居正以錫爵官不及辭 左柱 國文尚書俸顧再疏辭上謂實錄國家最大典且 一字果出臣筆第此臣子常分何足言邇年以來人 一字孰非出先生筆者而何獨辭居正復疏言 嘉靖以宋 首輔傅

嗣修卷上之四維已次名二甲第一矣既進御上啓姓 試而次子嗣修與日調陽之子皆中式居正等以嫌請 王子之部十餘萬聚東北直遼左以不獲通互市數 塞言者口而劉臺言漸驗時邊塞久不寫中國害獨 功贵先生之子孫以少報耳居正叩首謝出語于人奠 名則拔嗣修一甲第一名而召居正謂曰無以報先生 而辭者當有激也意街之錫爵侃侃自若尋禮部舉會 不允于是假其柄于四維而詹事申時行使所知以

グラグモ

欠りることう 遼左天子謂居正運籌功多居正益重戚繼光者亦東 受僅受賞而成梁至儋五等爵位三公而两廣之破山 計居正張皇上捷天子數褒美加恩輔臣居正多辭不 賊督撫殷正茂凌雲異所鹵斬尤多至數萬其虧賞亞 率精騎掩之皆驚竄移徙成梁復乘勢奮擊斬獲以干 利成梁何其入軓封其後營焚掠輜重無算又以春中 拒却之東直者泰寧福餘女直諸屬國時入侵襲爲不 侵然其人少弱非久即退而總兵李成梁勇悍善戰數 嘉靖以來首輔傳

與之商確諸督撫大臣惟繼光所擇欲爲不利繼光者 南良将也既移鎮薊門多挾南兵而北人嫉之繼光 却也居正性整潔好鮮麗日必易一 而是時兵部尚書譚綸與繼光以財通綸善用女術 即馬之徙去而成梁與二廣之點亦接踵至居正不能 千金姬進之居正且他所摹畫多得居正意以是事 居正居正試之而驗則益厚給以示電繼光乃時時)時錦衣大帥朱希孝所蓄名書畫甚富且死東 本水納霞綺尚方 懼

イングモ

卷

點者爭欲投其意張瀚以久任之說進然僅能行之藩 泉守令而不能行之給事御史吏部屬譚綸用給事中 居正天資刻薄好申韓法以智術取下而士大夫之儉 顔然尚不能當嚴氏之十二而他珍奇現異稍浮之矣 其精絕者以識别居正既露之于是日有進以博 民舟車就旅店食與商賣無别而其屬以公使行則馳 楊言以蘇驛逓之說進則兩都大臣諸方面之任成僦 驛呵殿道路不勝其陵替而遠宦者雖貴不任行矣省

欠日日年115

嘉靖以來首輔傳

人卒不能堅久以故見害而不見利然仕路馬少清費 畏死為東減而亦多倉卒不審者例盜邊海錢米盈數 とうりせん 循吏亦必點得盜即報斬决以是有司莫敢飾情盜賊 庫以去有司秘之莫敢發居正特嚴其禁匿弗舉者雖 亦率減十三四承平日久姦盗蝟起至深入城市剽府 百之一貧書生改業而賈矣皆親以爲名美而奉行之 庠序則大邑之挾經就試者千餘人而獲隷學官者僅 冗官即即署多長僚而待補者累累無罪而褫祿矣清

斬之而追捕其家屬文吏不習見祖宗制割聞以為 皆斬首示衆然往往取長繋不能完至瘦死居正獨亟 以糧運阻喜進者議通海運然不能得故時舟子長年 而不便者相率而爲怨鄰居正奮然身任之不恤也又 たこり・ ト人・ドイ 從事馬居正大喜命以侍郎兼憲職發青登萊三郡夫 河故道自海入青穿而出可以避之其意欲通故河以 利其鄉邑而大僚之上佐久滯溫不獲登八坐和而請 且謂山島多年等能觸舟于是膠州一大僚謂有膠 嘉靖以來首輔傳 于

數萬人 膳肥羜上尊外復加賜白金二百兩坐蟒衣一襲綵 言祥瑞者居正顰額而醌之其秉政乃獨好飾祥瑞 不罪此两人而用之其自用類如此世宗朝士大夫之 **骸滿九載不上考請罷温古慰諭如例賜白金麟繡御** 上下兩蟲媚言及災異則怒而見辭色于是一切爲蒙 人未見利不勝調發相與逐而噪之乃中寝然居正竟 遷道而其下多石費十餘萬金卒不可復而大僚之 人鑿之然河之中道高下不能達稍深則岸立

金グロド

ノニー

发し

辭不允最後辭太傅而已上將行大婚禮飲髮用情欲 之而居正凡三被錫吏部具故事上進左柱國太傅子 親受先帝付託有師保之責與諸臣異其爲我朝夕納 視皇帝朝夕恐不若前者之向學勤政有累聖德先生 スこのべんごう 三 各有差慈聖去乾清官將逐慈寧粉諭居正謂吾不能 加恩居正疏辭仍賜白金百兩終幣八有副調陽等賜 子尚實司丞重書褒美給四代誥命賜宴吏部凡三 有副坐蟒者禁服也惟司禮首璫上所憑倚問或得 嘉靖以宋首輔傅 丰

侈之外光動朝野尋馮保之賽與託孤約略埒是而亡 何其父封少師文明卒同列以聞上遣司禮中貴人慰 因資坐蟒蟒衣各一襲白金二百兩絲幣八有副居正 倍然未嘗有意留之而居正出錯愕無專見而最厚者 五十足香油新炭稱是上加恩居正雖踰于他相数十 五百兩鈔萬貫終幣三十皆有副白聚六十石麻布百 グロアイシモ 居正視粥樂止哭絡釋道路三官轉贈白金共 以輔台德用終先帝憑儿之誼社稷蒼生永有賴

次定四車至上丁 翰林諸僚吏衣緋以謁至是諸僚吏皆衣緋入調陽 而居正感矣故事首輔去位之三日則次輔遷坐左而 幾不可一日無相公何忍舍而遠去遂以奪情之說進 正者謂翰林皆衣絲入閣矣居正志謂我尚在而不復 不識物情雖不遷坐左而不先期止其僚入揖有報 同年戶部侍郎李幼孜等倡諛辭謂上沖年不能親萬 >顧忌即一旦出春明門何望更入乃陽上疏請乞守 而露意馮保使固留之時有識者皆以為非然而 嘉晴以來首輔傳 居 椎

賢習孔教沈懋學輩皆以為不可懋學移書李幼孜責 而居正悉則請于上謂瀚昏耄粉令致仕矣御史曾士 措北人也倡六部請留居正禮部馬自强頗持之未下 謫籍居正以安不敢以居正奪情為是而左都御史陳 瀚在吏部其事居正無不茅靡且以汙濫数爲言官所 使諫止且責給事御史不言幼孜唯唯而已而泄之居 正居正怒甚時上遣吏部尚書張瀚慰留居正宣旨軍 **敢言之朝而王錫爵與其僚張位趙志阜吳中行趙用** į

孝繼之則稍峻且傍剌識居正他事疏上留中不出馬 服而後用之然其辭緩而刑部員外即文移主事沈思 俄而疏亦上矣用賢不能平約中行具疏勒居正歸除 楚等遂上章請留居正吏科陳三謨故居正客也而迫 獨身往質居正於喪所辭甚峻居正勃窣且拜且言曰 是王錫爵要申時行謁居正而請解時行不可錫虧乃 保益欲取居正指而居正怒不知所為將擬加重辟于 于同事者小遲聞居正之怒因蒲伏謁居正涕泣求解

次記司事·島

嘉靖以來首輔傳

標者復上章極言居正以元宰而首數大倫何以師表 穆 思孝皆頻絕而私時彗星從東南方起長三天無所 用賢中行六十爲編氓而元標袖疏草入左掖門觀諸 天下且其人非能以仁義輔人主不過智力把持耳用 且自刎矣錫爵辭不可已而居正揖之出則進士部元 臣宛轉血肉心不爲懾疏上而中外壯之得古杖戍如 强留我而諸曹子力逐我我何以處使有尺刃在我 何所利前是上己下旨廷杖艾穆思孝八十誠遠成

安通道謂居正且反居正不得已過草詔戒勵羣臣諭 角帶入閣理政及侍經選講讀又請辭歲俸上許之而 大墙魏朝馳傳往代司喪而禮部主事曹話并爲治祭 於上宣之朝誇稍息于是使居正子編修嗣修與司禮 所以雷居正而罪言者意再及之必誅無赦馬保為請 得罪以爲居正實應之街議卷謫至作謗書懸之两長 不掃人情汹洵久不晓有奪情事特創起而諸言者皆 工部主事徐應聘治葬居正請不造朝而以青衣素服

大定四車在書 一

嘉靖以來首輔傳

千四

等所擿志意漸恍惚而至是始知天下之不見與思以 爲有魏相姚元之風而其客面諛之謂漢唐所未覩見 茶三十的鹽百的新炭稱是計直踰于奉賜矣始居正 威權刦之盆無所顧忌居平謂羅倫小豎子何所知其 書當投風中益先朝成化前朝臣稍有事寄者無所不 至相率而有伊周之目居正亦雅自負不世出爲劉臺 自矯飾雖不能無任情而英敏善斷闢置揮霍庶幾以 ,給酒饌二席月給白聚十石香油各百的燭三百枚 次記司車にも 母國之大事孰有重者且居正受上恩厚即今之赴湯 中贵人問居正恐難於易吉居正豔其事乃曰爲天下 喪薦紳先生傳錄倫疏紙幾貴居正知之以故追恨倫 火不辭而僅即暫時吉乎於是居正遂被紫横玉以從 而亡何上且舉大婚禮故事諸授册遣聘皆動臣主之 而嗣後人稍自知愛非兵革無有言奪者矣居正之 而首輔爲副使居正以有服不當與慈聖亦疑之而使 奪情自閣臣李賢奪而羅倫以脩撰非之其言雖不行 嘉靖以來首楠傅 聞

憤請以省覲告人 短且君何以責相君深乎錫爵曰吾自知父不知有相 切責而付吏部處淶尋補按察食事出矣錫爵意益憤 自處夫吉禮非金革比也閣部大臣皆可使不止一 以將禮將禮而服吉恐非上所以處居正與居正所 正也上的情居正幸更之居正根甚志深以其辭直姑 事凡十餘日夜給事中李深疏謂使居正不服古不 相君之自爲情而自奪之夫上奪之可也今乃 人謂相君不有父而君故省父以形若 Ł 居

グシグレ

學士仍各錄一子中書舍人而馮保等皆加秩蔭叙矣 上果謂居正讓而有禮赐重書褒諭累百餘言命吏 極殿大學士策支尚書俸張四維加少保兼武英殿大 得之思以爲恩市而身力辭之以釣奇乃擬調陽進建 今且衣錦而從吉即從吉吾意其顏之有此而顧揚揚 太后中貴人以要上即如所請不入朝不衣錦可也 婚禮成閣臣第有賞而無遷拜居正知馮保諸中貴欲 自誇訓謂人何幸躬逢其盛于是竟請告以歸故事大

次定马車全書 |

嘉靖以宋首新傅

7

也居正見人情已定乃始之歸葬其疏再上始允使尚 幣 寳司少卿鄭欽錦衣衛指揮放事史繼書該歸以 負 先生者獨孝廟然面諭則有之不以施筆礼至是始東 而有之人謂居正傲於上而早於馮保即陳塞所不論 候服除而援古以請已報遼東捷賜居正白金百兩終 以為帝者師且引赞拜不名之禮隱然兼蕭何子 元輔張少師先生且待以師禮而居正有奏謝亦 有副先是上所賜礼稱元輔或稱先生而不名 卷上 稱 Ė 房

當拂衣而調陽獨快快不樂然未能果也始居正念以 奇張字敬何得密封言事仍戒內閣臣調陽等有大事 敦諭範白金馬印記曰帝眷忠良以賜之如先朝楊 爲期葬畢即上道仍命無臣按臣諸臣先期馳報聖書 援或能乘間以出謂徐偕老易待擬薦之自代遣人布 閣臣里居者高拱在未嘗一日忘而殷士儋多左右與 母得專次仍馳驛之江陵聽張先生處分人謂古稱件 食同事則有之未有件食於三千里外者以調陽四 士 維

次足りきという

嘉站以宋首輔傳

Ť

學士詔如之其辭同張四維自强抗直數與居正左自 保文淵閣大學士時行資稍淺當以左侍即兼東閣大 尚書馬自強吏部右侍郎兼侍讀學士申時行而時行 分不敢望之人以居正是舉稍不易云 已加太子賓客忘不入街且謂自强資深當加太子太 乃請廣內閣員詔即令居正推乃疏推太子少保禮部 被召還任名位固相等而階前輩受業師不敢踞其上 腹心於偕階諸子且信之而居正復自念階出而居正 ノンアイト とする

الماليات المالية				
喜清以來 首浦 專				
三十八.				

金りでたるを

申時行字汝黙蘇之吳縣人舉進士第一人爲翰林院 疎眉性温茂有體韻而不促愜能詩文善筆礼見者無 修撰初從外家姓爲徐久而後復之時行美姿容秀 **押邪游既服除補官與同年王錫爵善錫爵數規之** 欽定四庫全書 不親重之初以丁父憂歸家貪時時居間有司又稍從 **ヒミラーニニー** 嘉靖以來首輔傳卷 樹立不苟取與久之副順天武事選左春坊左中允 一青以東方所專 明 王世貞 撰 E

屋異居正愈安之且念權寵盛多樹敵欲拔一二後進 轉詹事再遷禮部右侍即改吏部兼學士世錄成加太 林院事務錄成進詹事府少詹事兼侍讀學士以久次 修世穆兩廟實錄尋專為穆廟副總裁進左庶子掌翰 東編作選充經**選日講官進左春坊左諭德兼侍讀預** 無問居正當行上及两宮賜道里費爲白金者合千 爲之繼而得時行既入閣與四維皆自昵於居正談笑 子賓客食二品俸時行以文字受知居正又蘊藉不輕

金万匹厂全音

* ~

然國家事重朕將何所依居正乃勸上以大婚之後宜 居正奔喪然用凶禮則飭白羅傘幔執事與臺胥史之 餞百官皆班送於是所經由有司飭厨傳治道路然意 為居正奏辭慈寧宫皇太后復以銀八實六十两賜之 樽節愛養留心萬幾因伏地而哭上亦爲之哽咽墮淚 所以慰諭有加出國門遣司禮中貴張宏供帳郊外 曰朕不能捨先生恐重傷先生懷是以忍而允所請雖 百兩絲幣十六有副既辭朝復請見於平臺上撫諭之

ここりょ こう

嘉晴以宋首輔傳

盡京畢則請見太夫人太夫人不出跪於庭良久太夫 易白服畢解紗帽出麻冕於袖而戴之已改加經伏 陳瑞癸丑所取士也馳至江陵乘幔輿以謁入門從 易繒彩 徒皆具素服以俟而居正以邊將所饋遺兵器羅列 出復伏哭前謁致慰乃坐太夫人 千兵百騎前後部鼓吹光彩耀日於是復皇恐相 私雷以役者也太夫人 新費復不訾前是居正父初死巡撫都 即而謂陳君幸 (傍有小閣侍居正 一眄睞之 御 者 史 禁

グロ屋と言

遠邇時有同年御史于業者罷久矣而與居正故善會 スコラミニター 徐學詩及可道守令會葬所以轉遣不可勝計光彩傾 拱立揖屬曰陳瑞安能為公全如公公乃能重陳瑞 且還朝而兵備憲臣與分守閩帥約請居正閱採用大 此者是且有天子氣居正懼掩耳孔而趣之去既畢葬 葬至墓所自詭工堪與言密語居正吾相地多母瑜於 之啓顏至是陳瑞已遷刑部右侍即復與即陽都御史 耳公公者中贵之尊稱臧獲見而呼者也太夫人亦為 嘉靖以宋首輔傅

京而後上道於是內閣兩都部院卿寺給事御史俱上 太夫人以秋日取江路真州上汝敬至居正就道先县 章請取居正亟還朝上遣錦衣衛指揮程汝敬馳傳往 内慙堅卧乞休矣居正疏以母老不能冒炎暑請俟秋 使馳諭禪定爵賞居正爲條列以聞而大學士日調陽 迎馬日以俟汝敬陛辭錫之白金絲幣而今中貴人侍 其金帛勞賜加等時遼東續奏大提上復歸功居正使 即禮居正欣然許之改服上所賜弊繡 以御禮成大出

金りせ

次包里在方 由潘泉守巡还而跪者十之五六居正意未順撥使持 疏聞而撫按諸臣各馳報矣上皆有優首而前是所經 真定守錢普所創以供奉者前為重軒後為寢室以便 偃息傍翼兩無庶各一童子立而左右侍爲揮籆炷香 即身為前驅約東東平干阪筋厨傳居正所坐步與則 庭祭吏部尚書禮至是無不長跪者臺使越界趨迎軍 百品居正猶以爲無下箸處而真定守無錫人獨能爲 凡用卒三十二舁之始所過州邑即牙盤上食水陸週 嘉靖以東首輔傅

直入至便殿具賓主而出王者之有北面自襄王始過 是吳中之善為危者召募殆盡皆得善價以歸道經長 定之孟重為甚雖同事者亦羞稱之居正入則孟重以 南陽唐王亦如之諸撫臣爭競以異禮待居正而獨保 沙襄王出候折東要居正宴故事人臣雖貴極公侯遇 吳饌居正甘之曰吾行路至此僅得一飽餐此語聞于 兵部侍郎超佐京營大帥矣居正既過良鄉抵郊外詔 王執臣禮居正不欲執臣禮辭不入王强而後可于是

遣司禮中貴何進宴勞於真定寺口諭先生以午入即 以候代襄陽不及會葬既得代而中悔恐獲罪于居正 召見平臺以未入則質明見而兩宫亦各遣大瑞李奇 後 路所見歲計物情與北軍衰敗之狀良久子假十日而 迎以次日質明宣吉召見於平臺慰芳雅篤且訊以途 李用宣論賜八寶金釘障扇御膳餅果醪醴百僚復班 上尊御膳因引見兩宫當居正之歸日而御史趙應元 入閣仍賜白金百兩終幣六有副新鈔三十貫雙羊

欠しりうという

嘉靖以來首輔傳

員外郎王用汲遂劾炌以非法陷應元阿輔權臣應元 爲代請而移病者都察院客察以聞然亦視為故常莫 斤竹而留應元其詞甚峻詔奪用汲官亦爲民居正既 維等擬肯特斥應元馬民中外知其自咸邁邁而戸部 其長陳外使論應元時日調陽以疾在告不出而張四 有舉行者而居正之門容敛都御史王篆時佐院要發 不當罷且謂星變而考察所懲抑者皆居正所不喜宜 上書移病歸前是有首御史在外不得輕移病非撫臣

全 グロ た へき

專權之論今日用汲造阿附之言夫專權阿附者人主 馬攫取富貴之計蓄意積處有間朝發故向者劉臺為 之所深疑也日浸月潤鑠金銷骨小則使臣冒大嫌而 凡所指辯注施一聚之法法所當加親故不宥才有可 見用汲疏怒甚畫其事謂臣賦性愚聽不能委曲徇 而鼓煽其間相與慫慂攬嗾冒險釣奇以覲幸於後日 用球遠不遇又務終覈名實搜別隱姦推抑浮競以是 人不便于小人 而傾危躁進之士遊俠失志之徒又從

次定四車全書 一

嘉靖以宋首輔傳

毀譽得喪之間皇上不用臣則已必欲用臣臣必不能 臣是顧命大臣義以死報國雖赴湯火皆所不避况於 避煩賣一腔之忠拔瀝聖明之前遂以明告天下之人 為紛更變亂不至於傾覆國家不已此孔子所以惡利 信 口大舜所以疾讒言也臣日夜念之憂心悄悄故敢不 不自安大則使臣中奇禍而不自保明主左右既無親 重臣孤立於上然後呼明引類籍勢東權恣其所欲 以徇人必不能達道以干譽臺省紀綱必欲振

夫人所經由滸步皆設席屋張終慢徐州兵備副使林 筆縱橫了無顧盼咸捧手受成而已及秋而魏朝奉太 逮治用汲而以四維等輕之遂属色而待一 上而明正其罪此臣之所以報先帝而忠於皇上之職 言欲以炭感上聽紊亂朝政者必舉祖宗之法請於皇 朝廷法令必欲奉行姦完之人必不姑息以撓三尺之 大いうこから 分也優韶褒美居正累百餘言戒飭言者然居正意欲 公險造之徒以不敢引進以壞國家之事如有捏造浮 嘉靖以來首輔傅 , 語不接握

青紅寶石首節雜色繡蟒帛羅凡四襲白金百两而兩 矣高拱之逐其自出居正而有王大臣獄居正復與發 官之賜尤有加所以慰諭居正母子幾用家人禮居正 穿御道而過觀者如堵上復遣中貴人賜金累絲珍珠 衣絕帥劉守有史繼書皆受役如奴客爲之収飲織作 司禮中貴李佑郊迎與親相結騎隊鳴鼓角列旌幟橫 紹至身雜挽船卒中為之導該遠通奔趨將抵京上遣 牧為繡奇器實玩以進上及慈寧官所費頗鉅而錦

どうびんんこ

次定四車全書 上復其官子之祭葬之半而殷士儋歸歷城其家親戚 讓良苦拱既失賄而知其泄憂懣發疾死居正爲請於 無憂也居正歸而拱意其不即召使使賄太后父武清 而瑞意尚未已奈何居正笑曰瑞念不至此且有我在 **詰居正撫之乃大哭謝謂往者幾死馮瑞手雖賴公活** 伯洪代之武清伯納其賄不得問居正既入而知之誚 而旋救之拱既内恨刺骨而畏其權與文深又不能不 示感居正始歸葬道新鄭拱已病若痱故爲篤狀與 嘉靖以宋首輔傳

大臣至翰苑給事御史多與還往通烟好游七具衣冠 獎慰居正詔首皆爵革也游七亦入皆得官勋親文武 爲問中據與故裕即中貴人善謀乘居正歸而用士儋 報謁據上 居正知復切責此操怖而不能答數日死馮保有所私 南鎮撫又使其蒼頭游七與結為兄弟居正有所使 下筆礼人徐爵居正為擢用之至錦衣指揮同知署 以告徐爵爵以達馮保有所謀亦如之或日上之 一生為我宵飲謹呼無問居正固與馮保通

藏迎國師索諸本嘉勒創指提利以居之索 器本嘉勒接書 然意是聞張四維之私結保也恫喝止之四維以是恨 辭上褒稱居正輔理熟猷宣播遐邇遠方咸賓朕得以 上居正乞賞而何以大士像籍籍金剛結居正疏聞且 居正益甚諳達入貢久而以兵西逼回夷使使之鳥思 以見慰諭有加賜金幣御膳殺蒸上等上執手使視頗 御朝羣臣皆廷賀而居正以持服不與復為之御平臺 **重拱受成深用嘉悦物受之而别爲荅賜時上病疹痊**

でううことす

嘉靖以來首輔傳

宗室日藩行中外數萬人皆仰給縣官國土之入不足 鼓而後見羣臣嘉靖末徐階執政而李春芳在禮部患 偕動止三宫俱未宣召居正叩頭謝使還閣而後鳴鐘 色居正稱賀因勘上慎服食戒色欲上曰聖母日與朕 後抵牾或滅削太苛或擬議不定或一事而或子或奪 禄賜之屬奇爲之限至是居正條擿其間彼此矛盾前 以供歲額相計議為宗藩條例於封襲婚姻子女名數 令而旋行旋止或事與理外錯室礙難行或法與

ノンドノモーアノニ

欠に引きたいる 情車張輕重失當者皆指實言之請下禮部會議入會 治妻葬學誤禮厚之甚以是心德之居正既贵用事學 典遊守報可居正于諸藩王斯却不受亦無敢以私干 頗納路爲潘王道地不悅也微諷言者論去之而超用 者而禮部尚書潘晟於居正前輩顧爲恭謹其在留都 荆州能為民抗持景王侵占沙市適居正爲編修使歸 ·九卿疏請亟迎居正入朝居正憐而用之而漸知其 部侍即徐學謨學謨少亦工文章通院吏筆而其守 嘉靖以來首輔傳

者人 為郡守見辱於儒生居正為左右之不十載而至八座 談两遇劾歸居正俱力持起之田間自是凡四起皆不 イングレ 與之爭論以養母歸其所善者即同年李侍郎幼孜當 **必翰林雅嘉靖之初上以席書言大禮當意由他曹特** 離居正鄉土未外朝遷自成弘後百餘年來禮部尚書 之誥之誥自用兵事数歷中外不盡由居正顯而又數 遷言路攻之十餘疏不止學誤自刑部握亡敢出 (謂居正威在世宗上矣而居正始與姻家刑部王 11111 語

士大夫名每見居正朝語移日多布腹心及廣樹朋黨 えつう しょう 爭寵而如數族言路論之歸而王蒙入吏部其見知爱 擅權事未當不開端引之出則傾身以交抗直聲者謂 拨引所私而時一進逆耳語以示忠赤而他所爲奪情 居正復與之通烟遷工部尚書幼孜無他長以講學 坐褥或曰上見之知其自居正而不善也幼孜與正茂 现實鵝屬以媚居正而得用居正專以屬奉追慈寧為 吾力言之如相公不聽何殷正茂爲戸部尚書進大珠 嘉靖以來首輔傳 +

金グセノ **柰何幼孜懼遂乞歸而居正弗雷也而以曾省吾代領** 以疾在告居正投一札曰吾憊矣寡助之至親戚叛之 而已力彌縫之冀爲他日地居正微伺得而悉之幼孜 甚於幼孜數爲居正言幼孜時時在外揚相公之愎諫 為兵部尚書其品在下中尤善娟吏部尚書王國光山 院至是代幼孜而居正之門人梁夢龍自薊遼總督 工部省吾居正所取士也為人貪而巧媚小有文其撫 而借軍與乾沒萬計入佐兵部以右都御史掌南 卷八

欽定四車全書 啟愚勸進矣時上漸備六官太倉所储金錢多所宣進 居正乃因戸部進御覧數目而陳之謂歲每入額皆在 事遂以舜命禹題非必有他意也而諸當事者紛紛目 之舜禹而居正恬然不以爲駭怪至中允高改愚主試 賢者其始士大夫之諛以伊周漸謂為常談不能得居 於是六曹咸傾心事居正雖對妻子狀第無不稱居正 西人與四維同鄉有連恐居正疑之而豪從傍爲耳目 正色喜則進為五臣又有以稷契舉陶不為重則直進 嘉靖以來首輔傳

蠲免之不時追贓人犯財産之已盡奉音請用之屢下 是以入數減而出數溢也因憂其不可繼而請上置之 十二百餘金而六年所出乃至三百八十八萬八千四 金則已少八十餘萬金矣五年歲出三百四十九萬四 千四百金而六年所入僅三百五十五萬九千八百餘 其内錙銖畢盡今考萬歷五年歲入四百三十五萬九 百餘金則已多四十萬餘金質之該部云因諸省責重 隅時賜省覽量入為出罷節浮費疏上點中上復傳

肯工部置錢應用居正亦以利不勝費止之時言官請 蠲請販無不賜允而在外諸司往往營私背公剝民罔 緩上曰惟先生所處居正復奏上至仁爱民如子凡請 民至骨榆皮而食不急販之則相聚為盜販之切不 傷疏聞之因謂鳳陽及江南諸郡屢無歲而徐宿之間 停蘓松織造不聽居正面馬委曲以請得損數之大牛 復請停武英殿工及裁省外戚速官思數上多曲從之 日上御文華殿居正侍講讀平而以給事中所上灾 可

次定四東全部 1

嘉靖以來首輔傳

†

勝憤懣竊以爲此輩若遇聖祖不知當處以何法上怒 贊皇上之愚忠殊可恨也今給事中傅作舟疏云報災 虧府庫充實皆以考成法行徵解不爽今江南困窮甚 文彼處有自理贓贖未當佐公家之急將馬往臣等不 則日不敢報曰請賬則曰不敢請有何不敢報與請而 上非惟不體皇上子惠困窮之德意且不知臣等所以 曰審爾何不重處之居正拜領命乃又曰邇來正賦不 調支吾歸怨君上即積穀一事屢奉古申的竟成虚

次にうずべらす! 意撙節于宫中一切用度及服御可省者省之賞費可 金今歲之所進內智者百二十萬而隨取隨用常告之 裁者裁之至於布施一事尤當禁止與其惠繼黃之流 矣河南風災畿輔九旱將來蠲賑恐不容已惟皇上加 宗故事也世宗朝最不為節而晏駕之後尚餘百餘萬 又曰夫故事者遍年之所偶行遂據以爲口實則非祖 上曰然用度當從省即賞資亦故事其無所增減居正 以求福利孰若寬恤百姓全活億兆之命其功德尤大 嘉靖以來首輔係

精悍者嚴行督責賦以時起而民不勝楚朴則相率而 海各情勢若奸猾巧避匿而不肯完賦者與瀉鹵鄉螺 而督责奉行者之古肅如矣江南贵豪如華亭金壇上 者故事必不爾也願皇上留神上首肯之於是有蠲貨 勃元輔張少師先生忠孝两全今制服户 相當時會居正服將除而上宣召吏部問期日于是手 民錯莫知所辨析居正聞而深恨之以是選擇大吏 怨居正國家日益以富問問日益以窮然功與罪實

寧官禮如慈慶而慈聖皇太后慰獎尤至賜御膳九品 特賜白玉帶 金線壺臺蓋金著白金綠帛革素甜食十二酒器十瓶 慈慶宫于宫門叩頭仁聖皇太后賜白金文幣尋見慈 **恭經遊俱吉服如舊既對慰諭久之使中貴張宏引見** 社稷重臣受先帝顧託胡戴朕躬以及大婚弼成治理 使張宏侍宴甫就職而吏部以大婚粉諭請特詔元輔 臺蓋一副用示眷念俾朝見後仍御平臺召對以後朝 圍大紅坐蟒蟠蟒各一 一襲金壺一把金

欠いりましたる

嘉靖以來首輔傳

十

中式矣居正扈上謁諸陵歸即具疏乞休中云拜手稽 尋吏部復舉居正守制歲月爲之請十二年滿加思復 爲指揮食事于南鎮撫理事居正復辭太傅而受其餘 勛績茂著復加太傅增歲祿百石先錄錦衣干戶問脩 **グラグセ** たっこ 簡在朕心當別有酬眷時復當會試大學士申時行許 以垂範萬世特允所請以全忠孝大節至于卿之勛勞 再辭詔復加慰諭几百餘言謂卿之所處恩義兩盡足 國為主司而居正二子懋脩敬脩與四維之子甲徵皆

出而想脩即狀元及第矣敬脩亦在前列而甲徵次之 計得外補王篆與曾省吾益横南北給事御史則傅作 指而詛或作俚諺書而黏之宮牆門下客至引以相告 人云胡靳此二子而懋脩嗣脩俱列史官每出則衆相 皆得禮部主事而皆邑邑不樂人為之語首甲幸有三 俟輔爾歲至三十而後商處先生母復與此念居正乃 首歸政則隱然復子明辟几再上而天子慰雷懇切最 後手書稱慈聖口諭張先生親受先帝付託豈忍言去

欠日可東京与

嘉靖以宋首輔傳

十六

操切居正怒欲譴之吏部尚書王國光爲畫策曰譴之 併譴司業張位位特以居正聞喪有所刺譏其望實其 南京更部都察院去之時尚書何寬與即中李已比面 是成其名也且或以動上聽其請爲公任其怨不旬日 出馬楚府左長史益杜其選轉地也又半歲當大察屬 主事趙世卿抗章言時政不便數事皆陰以譏居正之 舟建尤恣肆選鄙無恥人所羞而不道者而南京兵部 舟王蔚秦舜翰李選朱璉錢岱顏爾行為之牙爪而作

イングモ アイニモ

按于景昌傅會之坐遠戍而繁追其脏金又繁其父子 史賀一桂嗾怨家疏其盜邊銀不法數事於是江西之 欠日司奉人日 一 巡撫王宗載巡按陳某下有司悉為之證實而遼東巡 於劉臺臺之歸頗不理於鄉人口於是乘間使其鄉御 思孝鄒元標皆已速成督撫大臣故折挫之使不堪異 居正聞位譴亦不悅曰何至乃爾而是時抗居正者穆 著以王篆屬不敢抗李已素有直聳聲人爲之恨且惜 以聞於居正取一快而王篆旦夕侍居正知其不釋意 嘉靖以來首輔傳

爲維垣具草與水南先後論錫爵等語甚危異以搖動 錫爵世貞爲之傳語頗傳京師給事中牛維垣御史孫 竭産以償不得則別以富人犯法者寬其罪使爲之償 承南故嘗客智省吾謂此奇貨可以蟄居正也省吾遂 死或曰戍主有所受毒之也而是時王錫爵歸省久之 而後遣戍至衛外無何飲于其戊主所歸而暴得疾以 不出其女得道仙去有所奉大士上真倮錫爵與其友 大理卿王世貞築室於城南居之而女仙之蛇附馬

イングモア ニマ

外使用故當請奪情御史曾士楚按吳使伺用賢中行 賢吳中行亦與錫爵家近王蒙與省吾意未煉則風陳 而南給事中吳之美輩復以聲有言報聞而已而趙用 路批劾之居正意触而學謀方盛氣見居正笑謂此二 之不懌使中貴人張宏語居正神仙者何預人事而言 謂此妖孽不可長也具養欲大有處而慈聖在西宮聞 人者皆君鄉人事甚小不足道學謨薨然而退遂停寢 一意事下禮部而尚書徐學謨方思所以報居正攘臂

· 定日車主

嘉靖以來首補傳

寧國人也與沈懋學善懋學亦移疾里居而士期常欽 走京師上書有所規于居正而懋學止之矣其語頗流 絕不復問移疾歸而居正竟亦無他有狂生吳士期者 聞而吳中輕薄子偽爲故都御史海瑞論劾居正罪惡 而今乃使我鷹犬耶且吾已愧之人復安敢愧之天因 亦傳至寧國而有梓之者操江都御史 短而甘心馬因以孽錫爵士楚之吳初爲御史新魯干 不得已具疏而中悔之既至嘆曰吾獨者猶豢競也 胡横屬同知龍

火足ヨテハニョー 姓名于察吏後而榜之以示不収居正悅報可諸戍斥 友也使宗武捕而引怒學且報居正欲自以爲功而居 宗武使究其人不得則執士期以塞而檟知其為懋學 則莫若中之考察之例于是因大覲疏請錄諸戍斥者 其事王篆思所以娟居正與尚書王國光謀曰彼前後 宗武必令引想學而宗武不可乃餓死其人于獄而寢 正意不欲彰聞曰小豎子耳何足煩白簡王篆則貽書 疏戍斥者皆去夫也而意未當一日忘復用欲杜之 嘉靖以來首輔傳 九九

之柰何于是工嚴重居正而馮保意自得所以事上不 素誨上嚴切責之甚苦且曰內庭可耳即使張先生聞 左右贄御殊苛峻小與广 居摊競提抱差有力馬小所扞格即以聞慈聖而慈聖 即榜而異日安能以例杜其用也人謂居正敏識人 而昏詩若此知其不久矣上之初即位馮保朝夕視起 ? 皆非外僚不當從覲察而戍者已重于察吏不當榜 切順上漸長而厭之保內恃太后外挾居正侍 押帆牽下加笞責諸有財 也

為上耳目頗倚保勢貌上左右如孫海客用則乾清宫 復欲殺之保已知其事懼擁大石支門會上醉已甚扶 側有二監皆保養子手劍殺之即騎而馳之保所呼而 挽强弩擊到豪飲至醉海等以言激之上怒甚睨視其 局者也皆贵倖善爲媚而不甘保之見凌上頗好馳騎 之用事者孫德秀温泰司禮之祭伍周海則兵仗之 歸熟寐至晚保亟趨謁慈聖爲膚受語慈聖且怒且駭 可資籍監局多持不與而與所私門下閣張大受革使 碩

欠いる事人にも

嘉靖以宋首楠傳

〒

ようりん 為淨軍而有疏條海用與德秀泰及周海請併逐之 發孝陵種菜而盡收乾清宫所當兵仗鑰之庫且使 宴以重起居專精神以廣消嗣節賞費以省浮費却珍 手書詔自責諭內閣居正請於上謂海用處之輕復 誘我耳愈聖乃使保捕海用杖而逐之南京爲小火者 司監中貴及内侍皆勒令自陳上裁去留因勸上戒遊 召上跪而詰責之語不可聞上哭謝罪曰此孫海客用 端好尚親萬幾以明庶政勤講學以資治理上 其 削 泊

|馮保意者所餘無幾矣居正當上初嘗纂古君人治 於太后不得已皆報可以是左右親信之爲狎而他失 而爲圖以俗語解之使易晓至是復屬儒臣紀高皇帝 之事而條治者八十一亂者三十六以應陰陽之數繪 儲或曰睦宗藩曰親賢臣曰去邪奸曰納諫曰理財 崇孝敬曰端好尚曰慎起居曰戒遊佚曰正宫聞曰教 勵精圖治日勤學曰敬天曰法祖曰保民曰謹祭祀 及列聖寶訓實錄分類而成書凡四十日創業艱難 割 日

次定四軍全書

嘉靖以宋首新傳

信 令日取近習曰待外戚曰重農曰與教化曰明賞罰曰 文 朝内外事為脩史張本日用翰林臣四員入直應制詩 檢 刑 和禮部二 及備顧問上旨優詔許旋以滿十二載奏最上爲召 切請 獄曰張功德曰屏異端曰飭武備曰備邊境其辭 詔令曰謹名分曰裁貢獻曰慎賞費曰敦節儉曰慎 法曰警戒曰務實曰正紀綱曰審官曰久任曰重守 以經定之暇進講又請立起居注紀上言動及 部傳諭元輔居正受先帝顧命反夜在公 3

卓羊灰鹅鶏儲蜜油麵棗果新燭之類多以千百計手 典宜厚尋使司禮中貴張成賜白金三百两絲幣四十 疏辭上柱國及伯爵俸而已明與文臣無直拜三公者 子一子尚實司不給四代語命下璽書褒美錫宴禮部 勅褒諭稱其精忠大勳朕言不能盡官不能酬及吏禮 **皆有副坐蟒蟠蟒各一襲酒六十瓶鈔十萬贯餜羞五** 任事任怨雖稱十二年滿實在陽十五年忠勳異常恩 , 部議上加上柱國太傅支伯爵俸仍加歳米二百石

東全事主事

嘉靖以來首輔傳

二十二

帛以爲醫藥資凡四閱月竟不愈而自六卿大臣翰 膏者而大腸亦遂出日以贏削上時下諭問疾大出金 壅結而不能暢不獲已復用寒劑泄之遂不禁去若脂 御 家者四維等事之益謹而居正則亦已病矣病得之多 謂 泄之其下成痔而脾弱不能進食使醫治痔小效尋 而 内而不給則日 居正亦益汰母論六卿其視四維等若不屑與稱僚 居正當力辭至是皆驚怪以爲且必封公侯加九 餌房中樂發强陽而燥則又飲寒劑 錫

×

禱者吏部尚書而下舍職業而朝夕奔走仲夏曝身赤 二百石子爲指揮食事者進同知而四維亦加少傳 而已上始令四維等理閣中細務而大事循即家令居 日中延至南都山陜楚汴淮漕撫按潘泉亡不醮矣居 言路部曹下至官吏冗散亡不設齊熙祠廟爲居正祈 四維等祭之遼東復以大捷聞居正遂進太師歲加祿 正平章居正始自力而其後怹甚不能遍閱然尚不使 正深居不出欲使知之則合縣其家人以達取一啓齒 嘉靖以宋首輔傳

次定のきている

Ŧ

篆等皆可大用而指王錫爵爲奸邪上爲黏之御屏晟 居正使薦之時居正已昏甚不能有所主矣居正待其 雖居正故識然不甚重之而馮保晟故所授書者也强 國陳經邦而復薦尚書徐學誤曾省吾徐學顏侍郎 薦前禮部尚書潘晟次則尚書梁夢龍侍即余有丁許 先生居正度不起而上亦使人問可次入閣者居正首 不可為乃疏乞歸上復優詔慰留稱之為太師張太岳 子太師建極殿大學士時行加太子太保居正病益欲 次年の車へいる一人 贈上柱國諡文忠遣管葬仍命京堂之四品者錦衣之 贏甚惡人見之卧帷中至明不聞聲家人怪而發馬則 子弟嚴每三五日入問安頷之而已不交一言而以貌 以數萬計祭九壇復增七壇大約視國公之兼師傅者 石两宫麻布二百足米二百石又與潞王合轉白金二 氣絕矣計聞上馆悼輟朝賜齊檀麻布五百疋米二 在堂上者護喪歸其子編脩嗣脩等疏辭謝上報諭朕 干三百两香及油寫斤者燭爲對者以干計薪爲斤者 嘉靖以來首輔傳 十四 百

殿大學士使行人即家召之馳驛來京晟鄙而貪士論 司禮中貴人陳政該喪歸俱令馳驛居正之喪與輜重 維始馬政而事漸變矣馮保亟為上言起潘晟爲武英 凡七十餘艘用夫三千餘人前後十餘里不絕於是四 念先生受先帝顧命鞠躬盡瘁殁而後已忠勞可憫遣 數上章攻之四維雖以馬保故擬首留晟然亡所褒 居正四維度時行不欲為最下于是合而風給事御 不齒一 旦脱廢籍大用亡不姆且笑之者而益以追

中御史有抵居正時政者居正之客諸大臣猶持不肯 美第云寫輔臣所薦而已以示輕晟意馮保不悅也而 古放之歸時晟已至臨安道中委頓返駕馮保病起志 御史薦吳中行等諸臣當召用馮保怒而默之而給事 在告少時給事御史復乘間論刻晟晟上疏辭四維擬 行於是徐學謨歸女于時行之少子以自固而馮保病 知之且謂四維之且甘心于居正而逐我曹因委身自 曰我小病也而遽無我居正之黨王篆智省吾朱連微

火定口車主書 嘉晴以來首躺傳

一

揮 武英殿大學士而有丁遽加太子太保遂無以杜中官 事難之保話日爾由誰得今日耶而負我於是篆省吾 大學士矣皇太子生上喜甚因上两宫徽號頒詔赦天 口而馮保至錄一 行数萬金謁保與權佞得從容言四維短而亟稱時行 **昵于時行還往無間而是時余有丁亦得入爲文淵** 下四維進少師中極殿大學士時行進少保戸部尚書 使同知愈事有差保之始欲封伯爵而四維以無故 一任都督僉事矣張宏以下爲錦衣指 閣

張大受爲保道地皆有賄于是時行小罰言者以解而 光媚四維拔其中表弟王謙為吏部主事四維避嫌不 察院四維故於所造士也而省吾以陵工驟進太子太 四維謂時行之與謀遂水火矣國光既去而擬當代者 其鎖刺而調之于是言者紛然起攻四維寫甚求徐爵 出時行遂擬罷國光而于工部覆謙交代疏以御批責 保御史某者篆所厚也遂上書極論王國光而中謂國 相約逐王國光則省吾代為吏部逐陳外則篆代為都

次定马車全書 一

嘉靖以來首輔傳

ニナナ

遂 篆之頁約也怒而相話至相擊朱璉復爲之交関其間 馮保私其鄉人梁夢龍王篆不敢違遂推夢龍省吾以 言保過惡其與四維善者泄之而四維遂以屬其門 得已斤之而使密詞保所為遂及居正至是誠復入悉 上心動而馮保又以止上郊天及選婚事得罪左右浸 以兩家交給恣横狀聞上且謂其珍玩寶藏踰於天府 御史李植使極論徐爵擅入宫禁爲保擬首挾許通 不可解而上故所幸中貴人張誠者見惡馬保上不

次足り車人う 諸違法事而他復論智省吾貪邪縱欲欲以當上而 其贏積或過當矣始居正平而王篆循挟馮保以恫疑 京其下大関張大受等悉奪職從徒而盡籍其家保金 恐喝士大夫尚畏之其銜思者趨之若流水有兩子 大受等所籍亦不貨內藏馬充物而上益心艶居正疑 銀百餘萬两珠寶现異以萬計他完舍田產器用稱是 逮徐爵下疑騎獄省吾勒致仕而謫馮保馮奉御居南 已報馮保禁中矣於是御史江東之遂極論保罪狀尋 嘉晴以來首輔傳

試者亦與選人情益憤憤而言官乃列上其事并論刻 與處而監試御史當試時委曲使之同號竟日至暮美 居正三子躐取上第而四維之子甲徵已爲山西之第 酌量之且代為書唯坐飲敢耳竟得中前列而其鄉之 以下為之筋傳舍具郵供提學至檄屬色之為同經者 人時行之子用嘉順天第六人而次子用懋冒浙 一般內水陸之珍絡釋饋的御史至自具草使同號者 試於南都試南都者九即御史出郊迎巡按 意不平乃于建言疏頗譏切時政而謂二相不改居正 與選如篆矣四維雖恨居正而畏其不利已乃不復窮 史魏允貞見四維時行之子先後預薦而亡有及之者 尤峻于是居正始奪上柱國太師再奪諡而王篆智省 究而第趙居正篆之亂政悉削籍馬編氓時給事御史 用賢等皆召用補官有差劉臺贈光禄少卿選其産御 吾朱璉陳瑞輩母不斥削朝班幾為一空而吳中行趙 新進者益務攻居正為奇併及其黨而御史楊四知語

次足可車人にす 一

嘉靖以來首輔傳

主

篆革所推意不自安會得寒疾踰月不能起四維語時 之覆轍而私其子坐貶二相皆有疏辯時行尤酿飲 行之客曰夫首相者若四時之有春行必有夏何俟煎 得復官及章服而祖宗之法圯且盡矣時行既已為王 以收人心而法度漸廢弛至大計貪酷不謹罷削者亦 差善補過云四維知海內之怨居正深一切務寫寬大 飾人其不唾之而其後執政驟遷允貞至吏部即以爲 ベンドイモ 耶時行起不敢謝過唯默默而已而甲徵用嘉復登 强

火七日軍人上 一 喪歸矣四維家素富累積金至餘萬而尤納路不已度 學謨以嘗上學謨斥即攻時行草具將上而四維以父 第四維好其門客之在言路者俾具草令先攻尚書 安而御史羊可立者亦四維客也乃復追論居正罪惡 不可如居正例奪情乃大行金于上左右張鯨張程諸 而謂居正以私憾構遼庶人憲節獄遼庶人之妃因而 萬計為覆露之矣上頗心動久而察知其無他得稍自 用事者使爲問曰時行故居正所私今復得其家金寶 嘉請以來首輔傳 二十九 徐

事王憲师者其父王薨以幼未立而居正之祖父禹護 喜以可法籍居正乃命司禮中貴張程及刑部右侍郎 居正心街王然王淫酷暴横其國時居正雖在閣然 憲櫛以是慚居正而會居正登第召其祖虐之酒至死 衛軍太妃聞居正少警題且與王同歲召而奇之賜之 食而坐王憲鄉其下且謂而不才終當為張生穿鼻王 一疏辨竟且曰庶人之庫金寶萬計悉入居正府矣 拇作錦衣指揮給事中往籍其家併勘故構王憲節

欠いうきんこう 黄金將萬兩白金十餘萬兩其長子懋修不勝刑自誣 甚當事所謂金寶者雙語也張程等行則居正諸子頗 服寄三十萬金子智省吾王篆等然盡其產不能十之 其人口出而子女通避他所者不及發已錮其門則 侵夜焚毁其奇貨禁物而荆州守今以御史意先期錄 卿大臣合疏請小緩之於是詔留田千畝以瞻其母而 死者十餘曹皆爲犬所殘食而盡發其諸子兄弟藏得 三而想脩自縊死家人亦有從死者事聞時行等與六 嘉靖以來首輔傳 三十 則餓

黨人時行擬首留啓愚而報處其餘于是吏部尚書楊 をうちし 謂高啟愚之以舜禹命題爲媚居正策禪受且旁及諸 省吾等追究亦小緩矣時御史丁此召復追論科場事 中王士性等窺上肯所嚮遂極論楊巍且謂時行實黨 聯等首下雖出此日於外而奪啓愚職焚其告身給事 魏等駁此日爲暧昧中人以大辟若先朝之趙文華 居正而主之於是內閣部院諸大臣復劾士性等旃席 地幾成訟庭於是彼此相率而詣中貴人 \ 求援時行

其弟都指揮居易子編脩嗣脩俱發成邊障地方李植 書四代語命以罪狀布天下謂當剖棺僇屍而站免之 加太子太保文淵閣大學士其賞循先四維時行懼行 學士余有丁加少保戸部尚書武英殿大學士許國亦 魏雖得留而大權悉旁落矣其後言者復攻居正不已 聖誕推思時行加少傅太子太傅吏部尚書建極殿大 江東之羊可立以能發大奸遷京扶有差而時行自用 以媚上于是復敢法司盡削居正官秩奪其前所賜重

を 王田華へき

嘉靖以來首輔傳

7

士有丁加少傅太子太傅建極殿大學士許國加少保 武英殿大學士時行自意貴極可以杜四維出即出 雲南上茶街捷時行復加少師太子太師中極殿大學 萬金張宏張鯨等始獲稱元輔每頒賞異于余許明年 鹑結矣不有處者誰與彌縫嘉靖之初以海爲萃宗社 後數公則其才勝也正德之政蠹于左右貂譬之衣若 野史氏曰廷和之始微以易進嫌而居位自稱踰于前 至位其下而濫典踰于居正矣

爲德不終假辭國老以名為調劑然再蹞再起保功名 矣字敬因機遇會一言拜相强直自遂人主為屈斯功 是二人者南得政而棄之若敝疑視宏何霄壞幾也宏 罪不亦等哉二李長者而時稍負荷春芳知止伯仲 于猜世則亦長者效也一清有應變之畧而無格心之 之初節內不干權倖而外仲於奸籓不亦皦敞秋陽哉 磐石誰之力耶以道事君不可則止則冕與紀皆庶幾 押醫操舍此將道也而行之揆地智彈力竭得死幸

大三日年人二十

嘉靖以來首輔傳

: 三王

ノシドノモ 伯之地化爲秦楚徐高張申之所繇兆也階赤舄几几 也拱剛愎强收幸其早敗雖小有才烏足道哉居正申 羔羊素終嘉靖之際亦何下廷和哉惟其小用權術收 間也言說遇而獲器不勝才上借下偏東市之辱夫豈 商之餘習也尚能以法制持天下器滿而驕羣小激之 不幸也嵩沾沾小技以順為正內固主寵而外籠天下 利即不有孽子寧母敗也抑二臣者相傾若讐敢變 物情識者不無遺憾馬雖然若廷和階者俱救時相 付け、 たいコラーへこう 後名穢家滅善乎夫子之言雖有周公之才之美使 且杏其餘不足觀也已 虎負不可下魚爛不復顧寒暑移易日月虧散沒身之 嘉靖以朱首輔傅 =